



Խաչատուր Աբովյան

Վերք Հայաստանի

ՀԱՌԱՋԱԲԱՆ

Կրեսոս թագավորն Լիդացվոց, երբ Կյուրոս բոլոր աշխարքի տիրեց ու նրա երկիրն էլ առավ, կովումը դոնջուն, սիրելի, բարեկամ, զորապետ՝ նրան թողեց, ու էն անգին մարգարտի ու ջավահրե ամարաթներում մեծացած Կրեսոսը, որ իրանից բախտավոր աշխարքի երեսին էլ մարդ չէ՞ր համարում, ընկած մեկ պարսիկ զորականի առաջ, շունչը բերնին հասած՝ փախչում էր, որ իր գլուխն էլա պրծացնի, պարսիկը ետևիցը հասավ: Սուրը գլխին պսպղաց, աչքերը սևացավ, դեռ գլուխը չտված՝ հենց իմացավ, թե մահն, էն ա, հոգին առավ: Հենց ուզում էր, որ ի՞ր թուրը իր սիրտը կոխի, որ թշնամին իրան չսպանի, զորականը որ թուրը չի՝ բարձրացրեց, թագավորի միամոր որդին, որ հոր մահը չտեսավ առաջին, քսան տարվա փակ լեզուն իսկույն կապը կտրեց, բաց էլավ, ու քսան տարվա լուս սիրտը իր առաջին ձենը տվեց.

Անօրե՛ն, էր ու՞մ ես սպանում, քաշի՛ր թուրդ ես, չե՞ս տեսնում, որ առաջիդ Կրեսոս ա, աշխարքի տե՛րն ա:

Զորականի ձեռները թուլացան. թագավորն իր գլուխն ազատեց, քսան տարեկան լալ (մունջ) որդին իր հորը պրծացրեց:

Էսքան տարի ողորմելի թագավորացն իր կյանքն անց էր կացրել, ո՛չ ծնողաց էնքան սերը, էնքան զուրն ու փափազը, որ նրա ձենը մի լսեն, մի սիրտըները հովանա, ոչ էն փառքն ու մեծությունը, ո՛չ էն պատիվն ու իշխանությունը, ո՛չ էն գանձն ու հարստությունը, ո՛չ աշխարքիս սերն ու վայելչությունը, ո՛չ էնքան

սիրելյաց ու քարեկամաց սերն ու քաղցր զրիցը, ո՞չ ամպի ձենը, ո՞չ գետի ու թռչնոց էն անուշ եղանակը ենքան վախտ նրա սրտին է՛ն ներգործությունը չին տվել, որ մեկ ծպտա էլա, ու իր հոր, իր ազիզ հոր մահը որ առաջին տեսավ, սիրտն էլ իր խուփիլ ետ քցեց,

պապանձած լեզուն էլ իր կապը կտրեց, փակ բերանը իր կսկիծը հայտնեց, կարոտ, վերջին թելն ընկած հերը իր որդու ձենը լսեց,

[Էջ]

որ լսողի սիրտն էսօր էլ ա կրակ ընկնում, երբ մտածում ա, թե որդիական սերն էր, որ բնության գրած զնջիլը էսպես ջարդեց ու փշրեց: Ո՛չ քսան, երեսուն տարուց ավելի ա, իմ ազիզ հե՛ր, իմ սիրելի ա՛զգ, որ սիրտս կրակ ա ընկել, երվում, փոքրթվում ա. գիշեր-ցերեկ լազն ու սուզ իմ աշքից, ա՛խն ու ո՛խը իմ բերնից չի՛ պակսում, ա՛յ իմ արյունակից քարեկամք, որ մեկ միտքս ու մուրազս ձեզ պատմեի ու հետո հոդը մտնեի: Ամեն օր գերեզմանս առաջիս տեսնում էի, ամեն սիաթ մահվան հրեղեն սարը գլխիս պտտում էր, ամեն բոպեի ձեր սիրտն ու դարդը հոգիս էրում, մաշում էր. լսում էի ձեր քաղցր ձենը, տեսնում էի ձեր սիրուն երեսը, իմանում էի ձեր ազնիվ միտքն ու կամքը, վայելում էի ձեր ազիզ սերն ու քարեկամությունը, մտածում էի ձեր կորցրած փառքն ու մեծությունը, մեր առաջին, է՛ն հիանալի թագավորաց, իշխանաց գործքն ու կյանքը, մեր Հայրենյաց, մեր սուրբ աշխարքի առաջվան սքանչելիքն ու հրաշքը, մեր ընտիր ազգի աննման բնությունը ու արած քաջությունները: Մասիս առաջիս էր կանգնած միշտ, որ մատով ցույց էր տալիս, թե ի՞նչ աշխարքի ծնունդ ես ես. դրախտը մտքումս էր կենդանի, որ ինձ, երազում թե լուրջ, միշտ մեր երկրի անունն ու պատվականությունը իմ առաջս էր բերում. Հայկ, Վարդան, Տրդատ, Լուսավորիչ՝ քնած տեղս էլ ինձ ասում էին, որ ես իրա՛նց որդին եմ. Եվրոպա թե Ասիա՝ ինձ անդադար ձեն էին տալիս, թե Հայկա զավակն եմ ես, Նոյան՝ թոռը, Եջմիածնա՝ որդին, դրախտի՝ քնակիշը. դաշտում թե ժամում, չոլում թե տան՝ Էն քարերն էլ ուզում էին, որ սիրտս պոկեն, հանեն, ուրտեղ որ իմ ազգի ոտք կոխել ա ու էսօր էլ կոխում ա. շատ անգամ, մեկ հայ տեսնելիս, ուզում էի էլած շունչս էլ հանեմ, նրան տամ, քայց, ա՛խ, լեզուս փա՛կ էր, աշքս՝ քա՛ց, բերանս՝ քռա՛ծ, սիրտս՝ խո՛ր, ձեռս՝ պակա՛ս, լեզուս՝ կա՛րճ. զանձ շունեի, որ գործով ցույց տայի

ուզածս. անունս մեծ չէր, որ ասածս տեղ հասնի. մեր գրքերն Էլ՝ գրաբառ, մեր նոր լեզուն Էլ՝ անպատիվ, որ սրտիս հասրաթը խոսքով հայտնեի. հրամայել չե՛ի կարող, խնդրեի, աղաշեի Էլ՝ լեզուս մարդ չե՛ր իմանալ, չունքի ես Էլ Եի ուզում, որ ինձ վրա չծիծաղին, չասեն՝ կոպիտ ա, հիմար ա, որ քերականոթյուն, ճարտասանոթյուն, տրամաբանոթյուն չգիտի, ես Էլ Եի ուզում, որ ասեն. «Օ՛հ, Էնակես խորը, խրթին շարադրել գիտի, որ սատանեն Էլ միջիցը մեկ քառ չի՝ կարող իմանալ, հասկանալ»: Ես Էլ Եի ուզում, որ իմ գլուխս ցույց տամ, որ ինձ վրա զարմանան ու ինձ գովեն, թե հայերեն շատ խոր տեղակ եմ: Ով մեկ լեզու գիտի, ես մեկ քանիսը գիտեմ. ի՞նչ գիրք ասես, որ չեմ սկսել թարգմանիլ ու կիսատ թողալ. ոտանավոր, շարադրոթյուն հո՛, Էնքան եմ զրաբառ գլխիցս դուս տվել, որ մեկ մեծ գիրք Էլ Ե՛ն կդառնա:

[էջ]

Ես միջոցումը աստված ինձ մեկ քանի երեխեր Էլ հասցրեց, որ պետք է կարդացնեի: Սիրտս ուզում էր պատոի, որ էս երեխերանց ձեռքն Էլ ինչ հայի գիրք տալիս էի, չեին հասկանում: Ռուսի, նեմեցի, ֆրանցուիզի լեզվումը ինչ քան որ կարդում էին, նրանց անմեղ հոգուն Էլ էին Էնակես քաները դիր զալիս: Ուզում էի, շատ անզամ, մազերս պոկեմ, որ էս օտար լեզուքը ավելի էին սիրում, քանց մերը: Բայց պատճառը շատ բնական էր. Էն լեզվըներումը նրանք կարդում էին երևելի մարդկանց գործքերը, նրանց արածներն ու ասածները, նրանք կարդում էին Է՛ն քաները, որ մարդի սիրտ կարող է գրավել, չունքի սրտի քաներ էին, ո՞վ չի՝ սիրիլ: Ո՞վ չի՝ ուզիլ լսիլ, թե սերը, բարեկամոթյունը, հայրենասիրությունը, ծնողը, զավակը, մահը, կոփվը ի՞նչ զատ են, բայց մեր լեզվումը թե Էսպես քաներ ըլին, թո՛ղ աչքս հանեն: Էլ ընչո՞վ երեխին քո լեզուն սիրիլ տաս: Գեղըցու վրա շավահիր ծախիր, հա՛, շատ լավ քան ա, ամա որ կարողություն չունի, մեկ կտոր ճաթի հետ Էլ չի՝ փոխիլ քո տված անզին քարը:

Ե՛ս հո էս. Եվրոպիումն Էլ որ չեի կարդում քազի գրքերում, թե հայ ազգը պետք է որ սիրտ չի՝ ունեցած ըլի, որ Էնքան քաները գլխովն անց են կացել, մեկ մարդ Էլա չի՝ դուս Էկել, որ մեկ սրտի քան գրի, ինչ կա՛ Եկեղեցու վրա ա, աստծու ու սրբերի, բայց հեթանոս Հոմերի, Հորացի, Վիրզիլի, Սոֆոկլեսի գրքերը երեխերն Էլ գլխատակներին ունեին, չունքի բոլոր աշխարհի քաներ են: Թե ասեի՛ բոլոր

Եվրոպացիք են անխելք անհավատ, որ աստծու բանը թողած էսպես ծոտի-մոտի բաների հետ էին ընկել, իիմարություն կրկեր: Թե չէ, մեր Նարեկը թողած՝ ախր ինչպես էին նրանք են գրքերին հավանում: Լավ գիտում էի, որ մեր ազգը էնպես չէ՞ր, ինչպես նրանք ասում էին, ամա ի՞նչ անես. անադուն ջաղացի քարն էլ չի՝ պտիտ գալիս, ո՞ւմ ասես:

Միտք էի անում, որ թե կտրիծ մարդ ասես, մեր միջումը հազարավորն են Էլել ու Էսօր Էլ կան. թե խելոք խոսք ասես, մեր պառավներն Էլ հազարը գիտեն: Թե առ ու հաց ասես, սեր, քարեկամություն, քաջություն, երևելի անձինք ասես, մեր գեղրցոնց սիրտն Էլ ա լիքը էսպես մտքերով: Առակ, մասալա, սուր-սուր խոսքեր որ ուզենաս, ին էն հետին ոամիկ մարդը մեկի տեղակ հազարը կասի: Ախր ի՞նչ պետք էր արած, որ մեր սիրտն Էլ ուրիշ ազգեր իմանային, մեզ Էլ գովեին, մեր լեզուն Էլ սիրեին, մնացել էի տարակուսած: Լավ գիտեի, որ թե օսմանցվի, թե դզլբաշի երկրումը ինչքան էնպես երևելի, խելոք, հունարով մարդ են Էլել, ինչքան խանի, շահի, սուլթանի դոներին սիրեկան աշըդ, լավ խաղ ասող, ոտանավոր շինող մարդ են Էլել, շատը հայ ա Էլել: Մենակ Քեշիշ օղլին, Քյոռ օղլին բավական են, որ ասածս սուտ չի՝ դուս գա: Թո՞ղ Էսօր Էլ մեկ մարդ Գրիգոր Թարխանովի

հետ խոսա, նրա ասած խոսքերն, նրա էն ճարտար լեզուն, նրա էն հիանալի քյոյն ու պատկերը, նրա հենց մեկ հունարը տեսնի, որ հարիր տեսակ զանազան մարդի ու ազգի լեզուն, շարժմունքը, նատի վեր կենալը էնպես ցույց կտա, որ քոռանամ, թե Եվրոպին էն ընտիր թեատրներումն Էլ տեսած ըլիմ, ու վարժատան երես ին իր օրումը, կարելի ա, էն ժամանակն ըլի տեսած, որ այբբենը մեր միջումը զաքով էին քոնում, զյուլլով վեր քցում, էն ժամանակը կիմանա, թե հայոց միջումը ի՞նչ հունար կա:

Էսպես բաները մտածելով՝ օրս ու ումբրս մաշվել էր: Շատ անգամ ուզում էի իս գլուխս մահու տամ: Չեի իմանում, թե սրա չարեն ի՞նչ կրլի: Թո՞ղ լսողը չհավատա, ամա էս ցավն էնպես էր սիրտս առել, որ շատ անգամ զժվածի պես ընկնում էի սար ու ձոր, ման գալիս, մտածում, Էլ ետ սիրտս լիքը տուն գալիս: Հենց է՞ս էր պատճառը, որ մեկ օր Էլ, ամառվան գաստուրի ժամանակին, աշակերտներս որ առավոտը թողի, ճաշիցը ետ ընկա Էլի սարեսար: Ճարս կտրվեց, գնացի Նեմեցի Կոլոնիին, մեկ նեմեց քարեկամի մոտ. նրանք Էլ ինձ վրա

ցավելով՝ իրեք օր շրողին զամ քաղաքը: Բայց քաղաքումն իմ սիրելի աշակերտները ու ծանոթ-բարեկամք իմ սուզու վաղուց էին արել: Հենց իմացել էին, թե Չուռն եմ ընկել, չունքի ամեն առավոտ, րիգուն գնում էի, լողանում: Էլի իմ, ի՞մ ազիզ, ի՞մ սիրելի աշակերտներն էին ընկել ետևիցս, որ բալքի մեկ քան էլա իմանան: Մեկ առավոտ փանջարումը նստած՝ Էլի մտքիս հետ էի ընկել, որ նրանք առաջովս անց կացան: Որ շտեսա նրանց, հոգիս տեղը հան էլավ: Իմ ու նրանց էն օրվան իրար տեսնիլը ո՞վ կարա պատմիլ. ով սիրտ ունի, ինքը կիմանա: Բալքի թե գերեզմանումը էս ձեր սերը մտքիցս գնա, ա՞յ իմ սիրելի՛, իմ ազի՛զ բարեկամք. թե չէ, որքան էս կապուտ երկինքը գլխիս ա, շունչս՝ թերանումս, ձե՛զ, ձե՛զ սուրբ պետք է համարեմ ինձ համար, ձեր արևի՛ն մեռնիմ:

Բայց ա՛խ, ե՞րբ ա երկինքը մեկ կերպի մնացել, որ մարդի սիրտը մնա: Հենց մի փոքր մտքիս արևը երևաց թե չէ, Էլի սև-սև ամպերը գլխները բարձրացրին, Էլի կայծակ ու որոտումն սրտումս մեյդան բաց արին: Չուրն ընկնիլ՝ Էլ չեի կարող, չունքի աստուծոն ահը մտքումս, անմեղ քոռփիս ձենը անկաջումս էր, սերն ու ծնողական գութը՝ շիզյարումս. Էս դինջանայի, Էթըմին ո՞վ պահեր:

Բանը հենց էս էր, որ ասում էի մտքումս, թե նստիմ, ինչքան խելքս կբերի, մեր ազգին գովեմ, մեր երևելի մարդկանց արած քաջությունները պատմեմ, Էլի մտածում էի, թե ո՞ն համար գրեմ, որ ազգը լեզուս չի՛ հասկանալ: Թեկուզ ուերեն, նեմեցերեն յա ֆրանցուզերեն գրած, թեկուզ գրաբառ, տասը՝ կըի որ հասկանային, բայց հարիր հազարի համար՝ թեկուզ

իմ գրածը, թեկուզ մեկ քամու ջաղաց: Ախր որ ազգը էն լեզվովը չի՛ խոսում, Էն լեզուն չի՛ հասկանում, սաքի հենց բերնիցդ Էլ ոսկի վեր ածի՛ր, ո՞ն պետք է ասես: Ամեն մարդ իր սրտի խարջ քան կուզի: Չո դարլու փլավն ինձ ի՞նչ օգուտ, որ ես չե՛մ սիրում:

Ուս հետ Էլ որ խոսում էի, Էն էին թանխա տալիս, թե մեր ազգը ուսումնասեր չի՛, կարդալը նրա համար գին չունի, բայց ես տեսնում էի, որ մեր կարդալ չսիրող ազգը Ռոպենսոնի պատմությունը, Պղնձե քաղաքի հիմար գիրքը ձեռնեճեռ էր ման ածում: Էս Էլ լավ գիտեի, որ ինչ երևելի ազգեր կան, բոլորն Էլ երկու լեզու ունին՝ հին ու նոր: Ախր թե լուսավորյալ լեզուն լավ ա, ու քարերն Էլ պետք է տրաքին ու հասկանան, Էլ տոնլուղ, նշան, պատիվ ո՞ր են տալիս դիլքանդին: Էն

լեզվագետ իմաստունը թո՛ղ գնա, կանգնի, գոռա, ջանը դուս գա, լսողը թո՛ղ ինքը հասկանա, լուսավորյալ գլուխն ափսոս չի՝, որ ցավի:

Միտք էի անում, որ գիծն էլ էս չի՝ անիլ: Ելի էսպես, մտքիս հետ ընկած՝ շատ անգամ որ դոնաղ էի գնում յա քաղաքովն անց կենում, ուշ ու միտքս հավաքում էի, թե տեսնիմ՝ խալխը խոսալիս, քեֆ անելիս ի՞նչ բանից ա ավելի հազ անում: Շատ անգամ տեսնում էի, որ մեյդանում, փողոցում մեկ քոռ աշըրի է՛նպես են հայիլ-մայիլ մնացել ու կանգնել, անկաջ դնում, փող բաշխում նրան, որ քերնըների ջուրը գնում էր: Մեջլիս ու հարսանիք hn, առանց սազանդարի ե՛րք հացը կուլ կերթար: Ասածները թուրքերեն էր, շատը մեկ քառ էլա չէ՛ր հասկանում, ամա լսողի, տեսնողի հոգին գնում էր դրախտը, ետ գալիս: Միտք արի, միտք արի, մեկ օր էլ ասեցի ինձ ու ինձ արի՝, քո քերականոթյուն, ճարտասանոթյուն, տրամաբանոթյուն ծալի՛ր, դրադ դի՛ր ու մեկ աշըր էլ դու դա՛ո, ինչ կրլի, կրլի, խանչալիդ քարը hn վեր չի՝ ընկնիլ, զառ վարադդ hn չի՝ գնալ: Մեկ օր էլ դուվեր կընկնիս, կմեռնիս, մեկ ողորմի ասող էլ չե՛ս ունենալ:

Մեկ քարիկենդանի, աշակերտներս որ քաց թողի, սկսեցի, ինչ որ երեխությունից լսած կամ տեսած քան գիտեի, տակ ու գլուխ արի: Վերջը իմ ջիվան Աղասին միտս ընկավ, նրա հետ հարիր քաջ հայի տղերը էլ իրանց գլուխը բարձրացրին, ու ամենն էլ ուզում էին, որ իրանց ոտը գնամ: Մյուսները մեծ-մեծ մարդիկ էին, շատն էլ դեռ հլա սաղ-սալամաթ, փառք աստուծո, Աղասին՝ աղքատ ու մեռած, նրա սո՛ւրք գերեզմանին դուրբան: Ասեցի՝ կեղծավորություն շանեմ, նրան ընտրեցի: Սիրտս էկել էր, քերնիս հասել: Տեսնում էի, որ էլ հայի գիրք ձեռն առնող, էլ հայի լեզուն խոսող քիշ ա գտնվում: Մեկ ազգի պահողն էլ լեզուն ա ու հավատը, թե սրանց էլ կորցնենք վա՛յն էկել ա մեր օրին: Հայոց լեզուն առաջիս փախչում էր Կրեսոսի նման. Երեսուն տարվա փակ քերանս Աղասին քաց արեց:

[Էջ]

Մեկ երես քան դեռ չի գրել, որ իմ մանկական սիրելի քարեկամ ազնիվ հայազգի պարոն դոքտոր Աղաֆոն Սմբատյանը ներս մտավ: Ուզում էի քուղթս ծածկեմ, էլ չկարացի: Ինձ համար աստված էր նրան Էնսիաթին որկել, նրա ջանին մեռնիմ: Չոռ արեց, որ կարդամ. քարեկամիցը ի՞նչ պետք է թաքցրած:

Սիրտս դողում էր կարդալիս, մտքումս ասում էի, թե հենց հմիկ, որդե որ ա, գլուխը կպտտի, ունքերը կկիտի մյուսների նման ու իմ ախմախության վրա մտքումն էլա հն կծիծաղի, որ երեսիս շասի: Բայց փիսը ես էի, որ նրա ազնվական հոգին դեռ լավ չէի ճանաչել: Վերջացնելիս, որ հենց էն ա, թուրն Էկել էր, ուկորին դեմ առել, որ շասեց՝ «Թե Էղան կշարունակեք, շատ հիանալի բան կդառնա», ուզում էի վրա թռչիմ, բերանը, Ե՞ն քաղցր բերանը համբուրեմ:

Նրա սուրբ բարեկամության եմ պարտական, որ մունջ լեզուս բաց արեց: Նա գնաց թե չէ, կրակը շանս առավ: Սիաթի տասն էր առավոտի: Ել հաց, կերակոր միտքս չեկան: Ճանճը առաջովս անց կենալիս ուզում էի սպանեմ, Էնպես էի վառվել: Հայաստան հրեշտակի պես առաջիս կանգնել, ինձ թև էր տալիս: Ծնող, տուն, երեխայություն, ասած, լսած բաներ՝ Էնպես էին կենդանացել, որ Էլ աշխարքը միտքս չէ՛ր գալիս: Ինչ խուլ, կորած, մոլորած մտքեր ունեի, բոլոր բացվել, ետ էին եկել: Նոր էի իմանում, որ գրաբառ ու ուրիշ լեզվներ մինչև էն սիաթը միտքս փակել, բխովել էին: Ինչ որ ասում էի կամ գրում մինչև էն հաղաղը, գողացած կամ հնարած բաներ էին, Էնդոր համար հենց մեկ երես բան գրում էի թե չէ, յա քունս էր տանում, յա ձեռս բեզարում: Գիշերվան մինչև սիաթի հինգը ո՛չ հացի մտիկ արի, ո՛չ շայի. շիբուխն էր իմ կերակուրը, գրիլը՝ իմ հացը: Տանցոնց խնդրելուն, նեղանալուն, խոռվելուն Էլ չէ՛ի մտիկ անում: Երեսուն թաքաղեն, Էն ա, լցվելով էր, որ բնությունը իր պարտքը պահանջեց, աչքերս գնաց: Սաղ գիշերը ինձ Էնպես էր երևում, թե նստած գրում եմ. երանի՛ կրկեր ինձ, թե Էն մտքերը ցերեկն էին միտս ընկել:

Սի՛րելի կարդացող, չնեղանաս, որ բանն Էսքան երկարացրի: Էնդոր համար եմ էստոնք հիշում, որ իմանաս, թե ազգի սերը ի՞նչ լազար ունի, ի՞նչ զորություն: Էն առավոտը իմ դուշմանի տանը ո՛չ ետ գա, ինչ որ ես տեսա: Աչքս բաց եմ անում՝ իմ խեղճ, դարիք գերմանացի կողակցի ձենն ա ընկնում անկաշ: Տեսնիմ, իմ միայնակ որդին դոշին առած՝ Էն արտասունքն ա վեր ածում, որ քարեր կմղկտան: Ծառա ու դարավաշ Էլ մեկ պուճախում են փետացել, կանգնել, ինձ ցավելով մտիկ անում: Ո՞ւմ սիրտը էս սիաթին չէ՛ր ճաքիլ: Գժվածի պես վեր թռա, երեխսիս եմ նայում. փառք աստուծոն, սաղ ա. կողակցիս եմ աղաշում, սիրտը շի՛ կարում ետ բերիլ: Ի՞նչ էր պատահել, չէի իմանում:

Անաստված, ինձ սպանեցիր ին, ես ի՞նչ քան քերիր զլխիս, վերջապես լսեցի:

Ծառեքն էլ մեկ կողմից են ինձ դնամիշ անում: Վերջապես իմանամ, որ սադ գիշերը անդադար դելն եմ տվել, գոռացել, ա՛խ քաշել, խոսացել, ու ինչ որ հարցրել են տանըցիք, միշտ էլ գերմաներեն ո՛չ, հայերեն պատասխան տվել ու հազար տեսակ վայրիվերո քան ասել, էլ ետ իմ կոհիվն սկսել: Մինչև սհարի ինը, ես հալումն ընկած՝ ես իմ քեֆն եմ արել, նրանք՝ իրանց սուզն, ու ինձանից ձեռք վերցրել: Են առավոտը, սադ շաբաթ ու ամիս, եսօր էլ մուրազ հենց էն ա էլել, որ զնամ, ընկնիս մեկ իշխանի ոտք, ասեմ, ինձ մեկ կտոր հաց տա, ու ես՝ գիշեր-ցերեկ ընկնիս գեղեցեղ ու մեր ազգի արած քաները հավաքեմ, գրեմ:

Թո՞ղ ինձ այսուհետև տգետ կանչեն. լեզուս քաց ա էլել, ի՞մ ընտիր, ազիզ, ի՞մ սրտի սիրեկան ազգ: Թո՞ղ տրամաբանություն գիտեցողը իրան համբյարի համար գրի, ես՝ քո կորած, շվարած որդին, քեզ համար:

Ո՞վ քուր ունի, առաջ ի՞մ զլխիս խփի, ի՞մ սիրտս խրի, ապա թե ո՞չ՝ քանի քերնումս լեզու կա, փորումս՝ սիրտ, ես լեղապատառ ձեն կտամ.

Եղ ո՞ւմ վրա եք քուր հանել, հայոց մեծ ազգին չե՞ք ճանաչում:

Թաք ըլի դո՞ւ, դո՞ւ, իմ պատվական ազգ, քո որդու արածը, քո որդու խակ լեզուն սիրես, ընդունիս, ինչպես հերը իր մանուկի կմկմալը, որ աշխարքի հետ չի՝ փոխիլ: Երբ որ կմեծանամ, խրթին լեզվով էլ կխոսանք: Աղասին քո փորք որդին ա, սրանից դիա մեծ, դիա անվանիքը շատ ունիս. ինձ մի սիրտ տո՞ւր, արևիդ մատադ զնամ, տե՛ս, թե ի՞նչ ձևով եմ զնում, նրանց քերում, առաջիդ կանգնացնում, որ դու էլ զարմանաս, թե ենանս որդիք ունեցողը աշխարքումն էլ ի՞նչ դարդ կանի: Ե՛րեսս ոտիդ տակը: Տո՞ւր եղ սուրբ ձեռդ էլ մի համբուրեմ, որ ինձ ներես, ու զնանք մեր սիրուն Աղասու մոտ: